

Broj: 03-017-2104/2018
Dana; 19.04.2018.godine

SKUPŠTINA UNSKO-SANSKOG KANTONA

PREDMET: Prijedlog Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom, dostavlja se

Na osnovu člana 120. i 133. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo Prijedlog Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom uz sljedeće:


O b r a z l o ž e n j e


Vlada Unsko-sanskog kantona je na sjednici održanoj dana 19.04.2018.godine razmatrala i Zaključkom broj: 03-017-2104/2018, utvrdila Prijedlog Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom, obrađivača Ministarstva zdravstva, rada i socijalne politike, koji vam se upućuje na postupanje po skraćenoj proceduri.

S poštovanjem,

Prilog: Prijedlog Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom (6x)

Dostavljeno:
1.Naslovu
2.a/a (2x)





Na osnovu člana 16., a u vezi sa članom 18. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), na prijedlog Ministarstva zdravstva, rada i socijalne politike, Vlada Unsko-sanskog kantona na sjednici održanoj dana 19.04.2018. godine, donosi :

ZAKLJUČAK

I

Utvrđuje se Prijedlog Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom, obrađivača Ministarstva zdravstva, rada i socijalne politike i isti se upućuje Skupštini Unsko-sanskog kantona na postupanje po skraćenoj proceduri.

II

Ovaj Zaključak stupa na snagu danom donošenja.

Broj: 03-017-2104/2018
Bihać; 19.04.2018. godine

PREMIJER KANTONA
dr.sci. Husein Rošić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
VLADA UNSKO- SANSKOG KANTONA

NACRT

ZAKON
O IZMJENAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I
ZAŠTITI PORODICE SA DJECOM

Bihać, mart, 2018.godine

Na osnovu člana 2. j) poglavlje IV. i člana 11. b) odjeljka A. poglavlje V. Ustava Unsko-sanskog kantona- prečišćeni tekst („Službeni glasnik Unsko -sanskog kantona“ broj: 1/04 i 11/04) , na prijedlog Vlade, Skupština Unsko-sanskog kantona na _____sjednici održanoj dana _____2018. godine donosi:

**ZAKON O IZMJENAMA
ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI
PORODICE SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službeni glasnik Unsko-sanskog kantona“ broj: 5/00, 7/01 i 11/14) u članu 4. stav 1. tačka 3. briše se.

Član 2.

Član 28. briše se.

Član 3.

Član 29. briše se.

Član 4.

Član 29 a. briše se.

Član 5.

Član 29 b. briše se.

Član 6.

Član 30. briše se.

Član 7.

Član 31. briše se.

Član 8.

Član 121. briše se.

Član 9.

U članu 136. stav 1. alineja 4. mijenja se i glasi: „hraniteljska naknada i naknada za izdržavanje hranjenika“, alineja 12. briše se.

Član 10.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

Broj:
Datum:

**PREDSJEDAVAJUĆI SKUPŠTINE
UNSKO-SANSKOG KANTONA**

Nijaz Hušić, prof.

O B R A Z L O Ž E N J E

Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom

I – USTAVNI TEMELJ ZA DONOŠENJE OVOGA ZAKONA

Ustavni temelj za donošenje Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom sadržan je u odredbama člana III. 2. e) i člana III. 3. (1) i (2) Ustava Federacije Bosne i Hercegovine, kojim su federalna vlast i kantoni zajednički nadležni za socijalnu politiku. Tu nadležnost ostvaruju zajednički ili odvojeno, ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi.

Kantoni u ovoj oblasti imaju pravo utvrđivati politiku i provoditi zakone (člana III. 3. (4)), kao i provoditi socijalnu politiku i uspostavljati službe socijalne zaštite (člana III. 4. j)).

Ustavni temelj sadržan je i u odredbama člana 2. j) poglavlje IV. i člana 11. b) odjeljka A. poglavlje V. Ustava Unsko-sanskog kantona- prečišćeni tekst („Službeni glasnik Unsko-sanskog kantona“ broj: 1/04 i 11/04)

II – RAZLOZI ZA DONOŠENJE ZAKONA

Reforma sistema socijalne zaštite u Federaciji Bosne i Hercegovine (u daljnjem tekstu: Federacija) temelji se na potrebi usklađivanja pravnih propisa i prakse s međunarodnim standardima i dobrim praksama kako bi se osigurala veća razina blagostanja stanovništva, unapređenje kvalitete života i socijalne inkluzije, kvaliteta i raznovrsnost socijalnih servisa pod jednakim uvjetima za sve stanovnike.

Važeći Zakon o osnovama socijalne zaštite, zaštite civilnih žrtava rata i zaštite porodice sa djecom obuhvaća više odvojenih oblasti: socijalnu zaštitu u okviru koje je regulirano pravo na smještaj u drugu porodicu (hraniteljstvo), zaštitu civilnih žrtava rata, zaštitu osoba s invaliditetom i zaštitu porodica sa djecom. Zakon kao takav nejasno je koncipiran i kompliciran za primjenu u praksi, a pored navedenog Zakona egzistiraju i kantonalni propisi kojima se regulira oblast hraniteljstva u Federaciji.

Postojeće stanje u oblasti hraniteljstva u Federaciji karakterizirao je neharmoniziran, nepotpun i nedovoljno osnažen sistem socijalnog zbrinjavanja najranjivijih kategorija stanovništva, djece i odraslih bez porodične zaštite, koji nije usklađen s međunarodnim standardima i potrebama hranjenika. Ovakvo stanje ukazalo je na neophodnost harmoniziranja i usklađivanja pravnog okvira i praksi s međunarodnim standardima, dobrim praksama i trendovima u ovoj oblasti u Europi i regionu (reforma u ovoj oblasti je već u poodmakloj fazi u zemljama u okruženju).

Shodno navedenom, pristupilo se izradi analize postojećeg stanja u oblasti hraniteljstva u Federaciji kroz izradu dokumenta pod nazivom “Javna politika razvoja hraniteljstva u Federaciji Bosne i Hercegovine” (u daljnjem tekstu: Javna politika), a nakon toga i donošenje Zakona o hraniteljstvu u Federaciji Bosne i Hercegovine („Službene novine Federacije BiH“ broj 19/17) od 15.03.2017.godine (u daljem tekstu: Zakon o hraniteljstvu).

Odredbama člana 61. Zakona o hraniteljstvu u Federaciji Bosne i Hercegovine propisano je da zakon stupa na snagu osmog dana od dana objavljivanja u „Službenim novinama Federacije BiH“, a početak će se primjenjivati nakon 12 mjeseci od dana stupanja na snagu Zakona, osim člana 48. i 49. ovog zakona.

Članom 60. Zakon o hraniteljstvu utvrđena je obaveza kantona da do početka primjene zakona usklade svoje propise sa ovim zakonom.

III – OBRAZLOŽENJE PREDLOŽENIH PRAVNIH RJEŠENJA

Predloženi tekst Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl.glasnik Unsko-sanskog kantona“ broj 5/00, 7/01 i 11/14) osigurava usklađivanje odredbi ovog Zakona sa odredbama Zakona o hraniteljstvu, kao *lex specialis* propisa u oblasti hraniteljstva.

U Poglavlju II – SOCIJALNA ZAŠTITA u članu 4. stav 1. tačka 3. briše se, jer Zakon o socijalnoj zaštiti, zaštiti civilnih žrtava rata i zaštiti porodice sa djecom ne poznaje više kao jedno od prava iz socijalne zaštite smještaj u drugu porodicu. U skladu sa odredbama Zakona o hraniteljstvu govorimo o hraniteljstvu, te isključivoj primjeni odredaba ovog Zakona kada je riječ o sistemu socijalnog zbrinjavanja najranjivijih kategorija stanovništva, djece i odraslih bez porodične zaštite.

U Poglavlju II – SOCIJALNA ZAŠTITA brišu se odredbe članova 28-31 (član 28., 29., 29 a., 29 b., 30. i 31)

Radi se odredbama Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl.glasnik Unsko-sanskog kantona“ broj 5/00, 7/01 i 11/14) kojima je bio uređen porodični smještaj.

Obzirom da Zakon o socijalnoj zaštiti neće poznavati više porodični smještaj kao jedno od prava iz socijalne zaštite, i da će se isključivo govoriti o hraniteljstvu, u skladu sa odredbama člana 60. Zakona o hraniteljstvu iste je potrebno uskladiti, odnosno brisati.

S tim u vezi brišu se pomenute odredbe kojima je na bliži način bio uređen postupak smještaja u drugu porodicu. Isto pravo će se definirati kao hraniteljstvo uz isključivu primjenu odredaba Zakona o hraniteljstvu i to na jedinstven način na teritoriji cijele Federacije BiH.

U Poglavlju IV- ZAŠTITA PORODICE SA DJECOM, podpoglavlje i) Pravo na školarine i stipendije đacima i studentima briše se odredba člana 121.

Školarine i stipendije đacima i studentima ostvaruju se posredstvom drugih ministarstava, kao i posredstvom gradova/ općina, a u kojima se kao prednost pri dodjeli školarina, odnosno stipendija uvažava i socijalni status podnosioca zahtjeva. S tim u vezi, mišljenje je ovog Ministarstva da postojeći propis ne treba opterećavati sa pravima, niti sa stvaranjem obaveza, a za koje nije nadležno ovo Ministarstvo, i za koja nikada nisu bila obezbjeđena materijalna sredstva.

U Poglavlju VI FINANSIRANJE SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM u članu 136 stav 1. alineja 4. mijenja se i glasi: „hraniteljska naknada i naknada za izdržavanje hranjenika“.

Zakonom o hraniteljstvu u članu 35. propisano je da troškove hraniteljske naknade i naknade za izdržavanje hranjenika plaća lice koje je smješteno u hraniteljsku porodicu, roditelj, usvojitelj, ili srodnik koji je prema odredbama Porodičnog zakona Federacije Bosne i Hercegovine dužan izdržavati to lice ili drugo pravno ili fizičko lice koje je preuzelo obavezu plaćanja troškova.

Ako je rješenjem o priznavanju prava i upućivanju na smještaj u hraniteljsku porodicu određeno da će kantonalno ministarstvo potpuno ili djelimično snositi plaćanje hraniteljske naknade i naknade za izdržavanje hranjenika sredstva za finansiranje osiguravaju se u budžetu kantona. Stav 3. ovog člana Zakona o hraniteljstvu propisuje također da isplatu hraniteljske naknade i naknade za izdržavanje hranjenika vrši kantonalno ministarstvo.

Alineja 12.istog člana briše se. Finansiranje se vrši iz kantonalnog budžeta, ali u okviru propisa iz drugih oblasti.

IV – FINANSIJSKA SREDSTVA

U postupku utvrđivanja teksta Nacrta Zakona o hraniteljstvu Federacije Bosne i Hercegovine (u daljem tekstu: Nacrt Zakona o hraniteljstvu) Federalno ministarstvo rada i socijalne politike bilo

je u obavezi izvršiti konsultacije sa kantonima, a rukovodeći se odredbama člana III. 2. e) i člana III. 3. (1) i (2) Ustava Federacije Bosne i Hercegovine, kojim je propisano da su federalna vlast i kantoni zajednički nadležni za socijalnu politiku. Tu nadležnost ostvaruju zajednički ili odvojeno, ili od strane kantona koordinirano od federalne vlasti. U pogledu ovih nadležnosti kantoni i federalna vlast dogovaraju se na trajnoj osnovi.

U skladu sa propisanom procedurom ovo Ministarstvo je dostavljajući svoje primjedbe i sugestije na tekst Nacrta Zakona o hraniteljstvu, pribavilo i neophodna mišljenja, a time i mišljenje Ministarstva finansija.

Ministarstvo finansija je svojim aktom broj: 04-35-3373-6/16 od 07.04.2016.godine dostavilo mišljenje na predloženi tekst Nacrta Zakona o hraniteljstvu ukazavši na ustavnu obavezu obavezu Kantona u provođenju socijalne politike, ali i neophodnost planiranja izdataka za implementaciju zakona u narednim godinama, obzirom da isti predviđa povećanje budžetskih sredstava u ove svrhe, i uzimajući u obzir da isti predviđa dvije vrste naknada, a ne jednu kao do sada.

Skupština Unsko-sanskog kantona je dana 22.07.2016. godine svojim Zaključkom broj: 01-02-4-360/16 od 22.07.2016.godine prihvatila mišljenje Ministarstva zdravstva, rada i socijalne politike na predloženi Nacrta Zakona o hraniteljstvu u Federaciji Bosne i Hercegovine.

Zakon o hraniteljstvu utvrđuje dvije vrste naknada:

- Hraniteljsku naknadu po hranjeniku u tradicionalnom hraniteljstvu, obračunatu mjesečno u visini 15% prosječne isplaćene neto plaće u Federaciji BiH za prethodnu godinu, s tim da se ista uvećava za 15% za svakog narednog hranjenika, odnosno hraniteljsku naknadu po hranjeniku u specijaliziranom hraniteljstvu, obračunatu mjesečno u visini 30% prosječne isplaćene neto plaće u Federaciji BiH za prethodnu godinu, s tim da se ista uvećava za 20% za svakog narednog hranjenika (član 32.);
- Naknadu za izdržavanje hranjenika u tradicionalnom hraniteljstvu, obračunatu mjesečno u visini 30% prosječne isplaćene neto plaće u Federaciji BiH za prethodnu godinu, odnosno naknadu za izdržavanje hranjenika u specijaliziranom hraniteljstvu, obračunatu mjesečno u visini 50% prosječne isplaćene neto plaće u Federaciji BiH za prethodnu godinu (član 34.).

Vrste hraniteljstva	Vrsta naknade	Procjena visine mjesečnih naknada za 2018.godinu u KM		
		1 hranjenik po porodici	2 hranjenika po porodici	3 hranjenika po porodici
Tradicionalno hraniteljstvo	Naknada za izdržavanje hranjenika	(30%) 260,70 KM	521,40 KM	782,10 KM
	Hraniteljska naknada	(15%) 130,35 KM	149,90 KM	169,45 KM
	Ukupno	391,05 KM	671,30 KM	951,55 KM
Specijalizirano hraniteljstvo	Naknada za izdržavanje hranjenika	(50%) 434,50 KM	869,00 KM	1.303,50 KM
	Hraniteljska naknada	(20 %) 173,80 KM	208,56 KM	243,32 KM
	Ukupno	608,30 KM	1.077,56 KM	1.546,82 KM


Budžetom Unsko-sanskog kantona za 2018.godinu- Ministarstvo zdravstva, rada i socijalne politike predviđen je iznos sredstava od 90.000,00 KM na ek.kodu 614100 HAM 004- Smještaj u drugu porodicu, te 50.000,00 KM na ek.kodu 614100 HAL 001- Hraniteljstvo, a što ukupno čini 140.000,00 KM ukupno planiranih sredstava.

Trenutno se iz budžeta Ministarstva zdravstva, rada i socijalne politike finansira smještaj u drugu porodicu za 23 osobe, kako djece tako i odraslih osoba. Od tog broja, 10 osoba će se finansirati po odredbama koje tretiraju specijalizirano hraniteljstvo, odnosno za iste će se plaćati naknada za izdržavanje hranjenika i hraniteljska naknada za specijalizirano hraniteljstvo, dok će se preostalih 13 osoba nalaziti u tradicionalnom hraniteljstvu i za iste će se izdvajati naknada za izdržavanje hranjenika i hraniteljska naknada po propisima koji tretiraju tradicionalno hraniteljstvo. Ukupan iznos potrebnih sredstava za 23 osobe koje se trenutno nalaze na porodičnom smještaju iznosi 123.150,96 KM i kreće se u okviru planiranih sredstava u Budžetu Ministarstva zdravstva, rada i socijalne politike za 2018. godinu. Obzirom da Federalni zavod za statistiku još uvijek nije objavio iznos prosječne plaće u Federaciji za prethodnu godinu, procjena je rađena na bazi prosječne plaće Federacije za period X-XII/17, a koja prema posljednjem objavljenom statističkom podatku iznosi 869,00 KM.

Međutim, bitno je napomenuti da gore pomenuti broj osoba koje se trenutno nalaze na porodičnom smještaju nije konstantan, te bi trebao u narednom periodu implementacije Zakona o hraniteljstvu imati tendenciju porasta. Naime, radi se utvrđenoj javnoj politici koja zagovara deinstucionalizaciju i smještaj u porodičnom okruženju, a kroz odredbe Zakona o hraniteljstvu. U tom dijelu će se pored potrebe obezbjeđenja dodatnih novčanih sredstava u Budžetu Ministarstva zdravstva, rada i socijalne politike, dio sredstava trebao u narednom periodu implementacije od tri godine obezbjediti i kroz ek. kod - Smještaj u ustanove socijalne zaštite, odnosno preraspodjelom sa ovog ekonomskog koda. Naime, deinstucionalizacija, a i hraniteljstvo podrazumjevaju izlazak iz ustanove smještenih korisnika kod kojih to zdravstveno stanje omogućava, i smještaj u porodičnom okruženju, pod znatno manjim finansijskim izdvajanjima. Pri tome se misli na činjenicu da se cijena smještaja u ustanove po korisniku kreće od 800,00 -1.200,00 KM, dok bi se naknada za izdržavanje hranjenika i hraniteljska naknada kretala u iznosima prikazanim kroz tabelarni pregled, a koji su znatno manji.

Zakon o hraniteljstvu odredbom člana 38. predviđa smještaj djece do tri godine isključivo u hraniteljsku porodicu, te će primjena ove odredbe također utjecati na povećanje budžeta ovog ministarstva, obzirom da se određeni broj djece ovog uzrasta nalazi u ustanovama socijalne zaštite, kako na kantonu, tako i u drugim dijelovima Federacije BiH.


Obzirom da će dosljedna primjena propisa zahtjevati obezbjeđenje dodatnih materijalnih sredstava, ali da će period potpune implementacije trajati tri godine, smatramo da za sada predviđena materijalna sredstva predstavljaju realnu osnovu za početak primjene Zakona o hraniteljstvu.



MINISTAR
Prim.dr.med. Hazim Kapić
spec.neurolog- psihijatar



Broj: 07-02-3722- 3 /18
Bihać, 30.03.2018. godine



**MINISTARSTVO ZDRAVSTVA,
RADA I SOCIJALNE POLITIKE**
- ovdje-

PREDMET: Mišljenje, dostavlja se,-
Veza: Vaš akt broj: 09-02-3722-3/18 od 22.03.2018. godine

Na osnovu člana 25. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj: 26/12, 3/14 i 11/14), o dostavljenom Nacrtu Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodica sa djecom Ministarstvo pravosuđa i uprave daje sljedeće:

MIŠLJENJE

Nacrt Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodica sa djecom u skladu je sa propisima iz člana 25. stav (1) alineja 2. Poslovnika o radu Vlade Unsko-sanskog kantona, u kojem je utvrđeno da ovo Ministarstvo daje mišljenje na prednacrtu odnosno nacrtu propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.

Dostavljeno:

naslovu
-a/a



MINISTAR

dr. sci. Nikola Findrik



09

1532

Broj: 04-02-3722-5 /18
Bihać, 06.04.2018. godine

- Ministarstvo zdravstva, rada
i socijalne politike USK-a-

PREDMET: Mišljenje o fiskalnoj procjeni, dostavlja se;
Veza, Vaš akt broj : 09-02-3722-4/18 od 03.04.2018. godine

Shodno članu 25. stav1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 26/12,3/14 i 11/14), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje posebnih sredstava, potrebnih za izvršenje propisa.

Dalje, po odredbi člana 2 stav (2) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo zdravstva, rada i socijalne politike Unsko-sanskog kantona je svojim aktom, broj datum gornji, Ministarstvu finansija dostavilo Nacrt Zakona o izmjenama Zakona o socijalnoj zaštiti, zaštiti civilnih žrtava rata i zaštiti porodice sa djecom, zajedno sa izjavom o fiskalnoj procjeni, na propisanom obrascu (ovjeren i potpisan od strane ovlaštene osobe: Obrazac IFP-DA). U obrazloženju finansijskih sredstava tj. promjena u prihodima i primicima, te rashodima i izdacima, obrađivač akta je naveo da: " Prijedlogom Budžeta Unsko-sanskog kantona za 2018.godinu- Ministarstvo zdravstva, rada i socijalne politike predviđen je iznos sredstava od 90.000,00 KM na ek.kodu 614100 HAM 004- Smještaj u drugu porodicu, te 50.000,00 KM na ek.kodu 614100 HAL 001- Hraniteljstvo, a što ukupno čini 140.000,00 KM ukupno planiranih sredstava. Trenutno se iz budžeta Ministarstva zdravstva, rada i socijalne politike finansira smještaj u drugu porodicu za 23 osobe, kako djece tako i odraslih osoba. Od tog broja, 10 osoba će se finansirati po odredbama koje tretiraju specijalizirano hraniteljstvo, odnosno za iste će se plaćati naknada za izdražavanje hranjenika i hraniteljska naknadu za specijalizirano hraniteljstvo, dok će se preostalih 13 osoba nalaziti u tradicionalnom hraniteljstvu i za iste će se izdvajati naknada za izdržavanje hranjenika i hraniteljska naknada po propisima koji tretiraju tradicionalno hraniteljstvo. Ukupan iznos potrebnih sredstava za 23 osobe koje se trenutno nalaze na porodičnom smještaju iznosi 123.150,96 KM i kreće se u okviru planiranih sredstava u Budžetu Ministarstva zdravstva, rada i socijalne politike za 2018. godinu. Obzirom da Federalni zavod za statistiku još uvijek nije objavio iznos prosječne plaće u Federaciji za

prethodnu godinu, procjena je rađena na bazi prosječne plaće Federacije za period X-XII/17, a koja prema posljednjem objavljenom statističkom podatku iznosi 869,00 KM.

Međutim, bitno je napomenuti da gore pomenuti broj osoba koje se trenutno nalaze na porodičnom smještaju nije konstantan, te bi trebao u narednom periodu implementacije Zakona o hraniteljstvu imati tendenciju porasta. Naime, radi se utvrđenoj javnoj politici koja zagovara deinstucionalizaciju i smještaj u porodičnom okruženju, a kroz odredbe Zakona o hraniteljstvu. U tom dijelu će se pored potrebe obezbjeđenja dodatnih novčanih sredstava u Budžetu Ministarstva zdravstva, rada i socijalne politike, dio sredstava trebao u narednom periodu implementacije od tri godine obezbjeđiti i kroz ek. kod - Smještaj u ustanove socijalne zaštite, odnosno preraspodjelom sa ovog ekonomskog koda u naredne dvije godine (n+1 i n+2). Naime, deinstutucionalizacija, a i hraniteljstvo podrazumjevaju izlazak iz ustanove smještenih korisnika kod kojih to zdravstveno stanje omogućava, i smještaj u porodičnom okruženju, pod znatno manjim finansijskim izdvajanjima. Pri tome se misli na činjenicu da se cijena smještaja u ustanove po korisniku kreće od 800,00 -1.200,00 KM, dok bi se naknada za održavanje hranjenika i hraniteljska naknada kretala u iznosima prikazanim kroz tabelarni pregled, a koji su znatno manji.

Zakon o hraniteljstvu odredbom člana 38. predviđa smještaj djece do tri godine isključivo u hraniteljsku porodicu, te će primjena ove odredbe također utjecati na povećanje budžeta ovog ministarstva, obzirom da se određeni broj djece ovog uzrasta nalazi u ustanovama socijalne zaštite, kako na kantonu, tako i u drugim dijelovima Federacije BiH.

Obzirom da će dosljedna primjena propisa zahtjevati obezbjeđenje dodatnih materijalnih sredstava, ali da će period potpune implementacije trajati tri godine, smatramo da za sada predviđena materijalna sredstva predstavljaju realnu osnovu za početak primjene Zakona o hraniteljstvu". Kako je obrađivač akta naveo da za provođenje, navedenog Zakona imaju obezbjeđena sredstva u usvojenom Budžetu za 2018. (n) godinu, a da će ukupna dodatna sredstva za 2019. (n+1) i 2020. (n+2), obezbjeđiti preraspodjelom, ministarstvo finansija sugeriše resornom ministarstvu, da ukupna dodatna sredstva za naredne dvije godine planira u Instrukciji broj 1. kao polaznu osnovu za izradu Dokumenta okvirnog budžeta za period 2019-2021. godinu.

Obrađivač akta je postupio u skladu sa članom 8. Zakona o budžetima u Federaciji Bosne i Hercegovine, te u skladu s članom 7. stav (1) Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet, te ovaj organ može dati pozitivno mišljenje.

S poštovanjem,

Dostavljeno:

1. Naslovu
2. Minist. finansija
3. a/a



